



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ
ՈՒ ՊԵՏՐՈՍՅԱՆ

12.03.2020թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 000116

Ձեռնարկողը՝

«Կարոշիննախագիծ» ՍՊԸ

ք. Երևան, Վաղարշյան փող. 24/1, բն. 43

Գործունեությունը՝

Թիվ 109 ավագ դպրոցի կառուցման նախագծային
աշխատանքների շրջակա միջավայրի վրա ազդեցության
նախնական գնահատման հայտ
քաղաք Երևան

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պաշտոնակատար՝



Ա. Թարգյան

Առդիր եզրակացությունը՝ 6 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 000110

< 03 > 12 2020թ.

**Երևան քաղաքի թիվ 109 ավագ դպրոցի կառուցման նախագծային
աշխատանքների շրջակա միջավայրի վրա ազդեցության նախնական
գնահատման հայտ**

Ներածական մաս.

Ձեռնարկող՝

«Կարոշիննախագիծ» ՍՊԸ

Ներկայացված նյութեր՝

Շրջակա միջավայրի վրա ազդեցության
նախնական գնահատման հայտ
/Գ կատեգորիա/

Գտնվելու վայրը՝

ք Երևան, Աջափնյակ վարչական շրջան

Նախագծվող թիվ 109 ավագ դպրոցը նախատեսվում է կառուցել Երևան քաղաքի Աջափնյակ վարչական շրջանի Մարգարյան փողոց 2-րդ նրբանցք 14 շենքի հասցեում գործող համանուն՝ թիվ 109 ավագ դպրոցի տարածքում: Ներկայացվող գործունեության ընթացքում դպրոցի գոյություն ունեցող շենքը, որը կառուցվել է 1970-ական թվականներին նախատեսվում է ապամոնտաժել: Երևան քաղաքում նախագծվող թիվ 109 ավագ դպրոցի կառույցի (ներառյալ՝ օժանդակ կառույցները՝ կաթսայատուն և էլ. ենթակայանը) կառուցապատման մակերեսը կազմում է 2759.91մ²

Նախատեսվող գործնականությունը համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 6-րդ մասի 7-րդ կետի ա. ենթակետի, հանդիսանում է Գ կատեգորիայի գործնականության տեսակ:

Նկարագրական մաս. Երևանի թիվ 109 դպրոցի հողատարածքի ընդհանուր մակերեսն ըստ նախագծի կազմում է 0.80132հա: Ներկայացվող գործունեության ընթացքում դպրոցի շենքի կառուցապատման, տարածքի և կանաչապատ գոտիների բարեկարգման աշխատանքների շրջանակը կընդգրկի շուրջ 7994.11մ² տարածք, մասնավորապես՝ դպրոցի մասնաշենքերի և օժանդակ կառույցների կառուցապատման մակերեսը կկազմի 2759.91մ², կբարեկարգվի և կկանաչապատվի 5234.22մ² մակերեսով տարածք: Դպրոցը նախատեսվում է կառուցել 350 աշակերտի համար:

109 ավագ դպրոցի համալիրը կառուցվելու է թվով երեք մասնաշենքերից՝ առաջինը հիմնական ուսումնական մասնաշենք, երկրորդը գլխավոր մուտքի և անասնաբուժական



մասնաշենք, երրորդը հանդիսությունների և մարզադահլիճի մասնաշենք: Մասնաշենքերը միմյանց միացված են հակասեյսմիկ կարերով:

Դպրոցի հիմնական ուսումնական մասնաշենքը հատակագծում ներկայացված է 15.50x60.0մ առանցքային չափերով, եռահարկ է՝ 3մ յուրաքանչյուր հարկի բարձրությամբ, ունի նկուղային հարկ՝ 2.4մ բարձրությամբ: Մասնաշենքի առաջին և երկրորդ հարկերում նախատեսված է դպրոցի ուսումնական և անհատական պարապույնքների սենյակները, տնօրենի աշխատասենյակը՝ կից ընդունարանով, ուսուցչանոցը և փոխտնօրենի աշխատասենյակը, երրորդ հարկում՝ ռազմագիտության սենյակը և զինանոցը: Մասնաշենքի հատակագծային լուծումներում հաշվի են առնված նաև ռեկրեացիոն գոտիները, միջանցքները, աստիճանավանդակները՝ դեպի դուրս ելքերով, սանհանգույցները՝ աշակերտների և ուսուցիչների համար: Հաշմանդամություն ունեցող երեխաների և այլ սակավաշարժ խմբերի համար նախատեսվում են վերելակ և թեքահարթակներ՝ արտաքին մուտքերում, ինչպես նաև հաշմանդամ երեխաների համար հարմարեցված սանհանգույցներ:

Դպրոցի գլխավոր մուտքի և սպասարկման մասնաշենքը հատակագծում ներկայացված է 18.0x21.7մ առանցքային չափերով, կից է հիմնական ուսումնական, հանդիսությունների և մարզադահլիճի մասնաշենքերին, երկհարկանի է՝ յուրաքանչյուր հարկի բարձրությունը 3մ, ունի նկուղային հարկ՝ 2.4մ բարձրությամբ: Մասնաշենքի առաջին հարկում նախատեսված է դպրոցի ճաշարանը՝ կից խոհանոցով և պահեստներով: Մասնաշենքի երկրորդ հարկում նախատեսվում է թանգարանը և գրադարանը՝ իր գրապահոցով:

Դպրոցի բոլոր մասնաշենքերում նախատեսված են առանձին մուտքեր: Մուտքերի տեղադիրքերի ընտրությունն իրականացված է այնպես, որ դպրոցի համալիրն ամեն ուղղությամբ կունենա էվակուացիոն ելքեր:

Միջանցքներում, աստիճանավանդակներում և հարթակներում կիրականացվեն արհեստական գրանիտե հատակներ, սանհանգույցներում՝ խեցեսալե, իսկ դահլիճներում՝ վինիլային և կավրուլիտե հատակներ, մնացած սենյակներում՝ լամինատե հատակներին նմանվող վինիլային հատակներ:

Արտաքին բոլոր պատերը կջերմամեկուսացվեն հանքային բամբակով, որի վրա կիրանկացվի մետաղական ցանց, որն էլ կսվաղվի ցեմենտ/ավազային շաղախով: Սվաղը կծածկվի ճակատային քսամածուկով և կներկվի ճակատային բարձրորակ ներկերով: Արտաքին պատերի մնացած լուծումներում կիրականացվի երեսպատում՝ ֆիբրոցեմենտային և տուֆե սալիկներով:

Դպրոցի արտաքին դռները նախատեսվում են այլումինե ջերմամեկուսիչ կամրջակով և ապակեփաթեթով, իսկ ներքին դռները՝ մետաղապլաստե և մետաղե: Նախատեսվում է մետաղեպլաստե պատուհաններ և պլաստիկից պատուհանագոգեր: Դպրոցում կտեղադրվեն ապակեպատ մետաղեպլաստե և այլումինե վիտրաժներ: Ներքին պատերի հարդարումը նախատեսվում է բարձրորակ գաջե սվաղից, որի վրա կիրականցվի լատեքսային ներկվածք: Սանհանգույցներում նախատեսվում է համաժամանակեցված երեսպատում՝ ցեմենտավազային շաղախի վրա և կիրականացվեն կախովի առաստաղներ:

Կոնստրուկտիվ լուծումների տեսանկյունից, բոլոր մասնաշենքերը նախագծվում են միաձույլ ե/բ կրող կոնստրուկցիաներով, ներառյալ՝ դպրոցի հիմքերը, կոնստրուկցիաները և միջհարկային սալերը: Արտաքին պատերում նույնպես օգտագործվում են երկ կոնստրուկտիվ լուծումներ:



Դպրոցին կից նախատեսվում է կառուցել 22.85մ² մակերեսով կաթսայատուն, ինչպես նաև գոյություն ունեցող էլեկտրական ենթակայանը, որը գտնվում է նոր մասնաշենքերի մուտքային հատվածում, ապամոնտաժվելու է, և կառուցվելու է նոր 21.00մ² մակերեսով ենթակայան, համաձայն «ՀԷՏ» ՓԲԸ-ի կողմից տրված N05-ԴԳ-02/281 տեխնիկական գրության, միաժամանակ ավելացնելով 60կՎԱ հզորություն (ընդհանուր 130 ԿՎԱ),

109 դպրոցի նախագծում հաշվի են առնված նաև ներքին էլեկտրամատակարարման, արտաքին և ներքին ջրամատակարարման, կոյուղու, գազամատակարարման ցանցերի և օդափոխության համակարգերի ինժեներական լուծումները՝ ըստ տրամադրված տեխնիկական պայմանների

Տարածքի բարեկարգման աշխատանքների շրջանակում նախատեսվում է իրականացնել դպրոցի տարածքի ազատ և երթևեկելի գոտիների, մայթերի, ինչպես նաև բացօթյա թեթև ատլետիկայի հրապարակի (840.90մ²), ինչպես նաև ասֆալտե ծածկույթի իրականացում 2469.32մ²: Դպրոցի մուտքի հատվածում նախատեսվում է բետոնե սալիներով սալարկման աշխատանքներ՝ շուրջ 195.0մ²: Դպրոցի բացօթյա մարզահրապարակի ծածկույթը (1066.8մ²) նախատեսվում է իրականացնել նաև արհեստական կանաչապատում:

Տարածքի կանաչապատման աշխատանքների շրջանակում դպրոցի տարածքը կհամալրվի թվով 69 արժեքավոր ծառատեսակներով, մասնավորապես՝ նախատեսվում է տնկել սոճիներ (8 հատ), եղևնիներ (7 հատ), գնդաձև ակացիաներ (7 հատ), հուլայածառեր (26 հատ), սապոնածառ (8 հատ), կատալպա (7 հատ) և ձիակասկ (8 հատ): Ծառատեսակների ընտրությունը կատարվել է հաշվի առնելով նշված տեսակների Երևան քաղաքի բնակլիմայական պայմաններին հարմարվելու գործոնը և Երևանի քաղաքապետարանի կողմից արված առաջարկությունները: Աշխատանքները կընդգրկեն նաև 1496մ² մակերեսով սիզամարգերի իրականացում և 50մ² թփապատման աշխատանքներ սամշիտով՝ կանաչապատ գոտիների եզրային հատվածներում: Ընդհանուր առմամբ կանաչապատ գոտու հատակագծային մակերեսը կկազմի 1503.10մ²:

Կանաչապատ գոտիների ոռոգումը կիրականացվի պոլիպրոպիլենե DN50 (63x5.8), DN32 (40x3,0) խողովակներից, ոռոգման ծորակների և ռետինե խողովակների միջոցով:


Տարածքի հակահրդեհային անվտանգությունն ապահովելու համար նախատեսված է հակահրդեհային երկու հիդրանտներ (5.0 լ/վրկ):

Տաք ջրամատակարարումը նախատեսվում է իրականացնել տանիքում տեղադրվող արևային ջրատաքացուցիչների (30 կոլբայով 2 կոլեկտոր) միջոցով, որտեղ որպես ջերմատար կօգտագործվի գլիոկոն:

Նախագծով դպրոցի ջեռուցումը կիրականացվի նորակառույց կաթսայատան՝ «ECOMAX» ֆիրմայի 421 կկտ/ժամ հզորության ջրային երկու կաթսաների միջոցով, բնական գազի այրմամբ: Կաթսայատան հարևանությամբ նախատեսում է պահուստային հեղուկ վառելիքի ռեզերվուար՝ 10մ³ տարողությամբ:

Գոյություն ունեցող դպրոցի ապամոնտաժման աշխատանքները նախատեսվում է իրականացնել մասնաշենքերի (թվով 3) հաջորդաբար ապամոնտաժմամբ: Ապամոնտաժման գործողությունների ընդհանուր տևողությունը հաշվարկվում է 8,5 ամիս, ներառյալ նախաշինարարական աշխատանքները:

Ապամոնտաժումից առաջացած և հետագայում օգտագործման համար պիտանի նյութերը, որպես երկրորդային շինարարական նյութեր, կտեղափոխվեն շինարարական կապալառուի պահեստ և կօգտագործվեն այլ շինարարական աշխատանքներում, իսկ



- թափոնների հավաքման վայրերի և հեռացման ուղիների նախապես որոշված լինելը՝ շինարարության արդյունքում գոյացող թափոնների բոլոր հիմնական տեսակների համար,
- շինարարական աղբի պատշաճ կերպով հավաքում և հեռացում՝ արտոնագիր ունեցող աղբահավաքների կողմից:

Պատճառաբանական մաս. Երևան քաղաքի Աջափնյակ վարչական շրջանի տարածքում, օրենսդրությամբ սահմանված կարգով, իրականացվել են հանրային քննարկումներ, որոնց ընթացքում տեղական ինքնակառավարման մարմինները և հասարակայնությունը հավանություն են տվել նախատեսվող գործունեությանը: Փորձաքննական գործընթացին մասնակցել են շրջակա միջավայրի նախարարության ստորաբաժանումները, առողջապահության, արտակարգ իրավիճակների, կրթության, գիտության, մշակույթի և սպորտի, պաշտպանության նախարարությունները, քաղաքաշինության կոմիտեն և Աջափնյակ վարչական շրջանը: Ծրագրի իրականացման արդյունքում շրջակա միջավայրի վրա հնարավոր բացասական ազդեցությունները հիմնականում պայմանավորված կլինեն շինարարական աշխատանքների իրականացմամբ, որոնք կկրեն ժամանակավոր բնույթ և ազդեցությունները կլինեն թույլատրելի նորմայի սահմաններում:

Փորձաքննական պահանջներ

- Կառուցապատման աշխատանքների իրականացման ընթացքում անհրաժեշտ է խստագույնս հետևել նախնական գնահատման հայտում ամրագրված բնապահպանական պահանջների և միջոցառումների իրականացմանը՝ ըստ հայտով ներկայացված պլանի, իսկ դրանց չբավարարման դեպքում ներառել լրացուցիչ միջոցառումներ՝ պարտադիր պահպանելով բնապահպանական նորմերը:

- Կառուցապատման հետագա գործառնություններն իրականացնել ՀՀ օրենսդրության և նորմատիվատեխնիկական փաստաթղթերի համաձայն, մասնավորապես, ՀՀ քաղաքաշինության նախարարի 2014 թվականի հոկտեմբերի 14-ի N263-Ն հրամանով հաստատված՝ «Քաղաքաշինություն. քաղաքային և գյուղական բնակավայրերի հատակագծում և կառուցապատում» ՀՀՇՆ30-01-2014 շինարարական նորմերի համաձայն՝ պահպանելով շինհրապարակի աշխատանքային անվտանգության կանոնները, քանվորների արտահագուստի և հիգիենայի պահանջները:

- Շինարարական աշխատանքների ընթացքում առաջացող թափոնների կուտակումն ու հեռացումն անհրաժեշտ է իրականացնել ՀՀ օրենսդրությամբ սահմանված կարգով՝ Երևանի քաղաքապետարանի հետ համաձայնեցված:

- Անհրաժեշտ է ապահովել հայտում ամրագրված կանաչապատման աշխատանքների իրականացումը և պահպանումը:

- ՀՀ կառավարության 2002 թվականի ապրիլի 20-ի «Պատմության և մշակույթի անշարժ հուշարձանների պետական հաշվառման, ուսումնասիրման, պահպանության, ամրակայման, նորոգման, վերականգնման և օգտագործման կարգը հաստատելու մասին» N 438 որոշմամբ հաստատված կարգի 43-րդ կետի համաձայն՝ աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից անհրաժեշտ է դադարեցնել աշխատանքները և դրա մասին անհապաղ տեղեկացնել լիազորված մարմին՝

համապատասխան պահպանական միջոցառումներ իրականացնելու համար:

ԵԶՐԱՓԱԿԻՉ ՄԱՍ

«Կարոշիննախագիծ» ՍՊ ընկերության կողմից ներկայացված Երևան քաղաքի թիվ 109 ավագ դպրոցի կառուցման շրջակա միջավայրի վրա ազդեցության նախնական գնահատման հայտի վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Փոխտնօրեն

Մասնագետ՝



Գ. Գևորգյան

Հ. Մեսրոպյան